

I hob von ana blume tramt
nebn dem muatsdrumbunkl bam
in dera wiesn stehts do drin
i muass do auffe i muass duat hin

de foab scho vu da weidn leicht
der duft an kilometer reicht
niemois im leben vagiss i den
a duft den kaun ma sogoa sehng

nua beschreibn kaun man net
der vasuch alla wad bled
so wia ihr foab de wos i gspia
gaunz zoat berühr i ihre blia

si brat sie aus in meine händ
sodass mei herz auf amoi brennt
mocht augn zua hea an blumenchor
se singan uns a liadl vor

1000 joah kunnt i so liegn
weu i heit so glickllich bin
vazaubert voller fantasie
und mit der blume man i di.

